



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Zenobius Ep. 25. Maii.

urn:nbn:de:hbz:466:1-44055

nens, ex communi illius ævi sensu columnæ sustentans orbem terrarum. Nos cùm hæreamus in luto, digito tamen paramus cælum contingere.

Ex Menais & Evagrio.

Qui non potest sanguinem fundere, potest semetipsum pœnitentia velo percutere, & in cordis contritione macerare. Præparetur, ad feriendum, jugulum, non deus remunerator, et si defuerit gladius. Deest carnifex, qui cervicem exterius feriat, adest judex, qui bone voluntatis premium reddat. S.Pet.Dam.serm.65.

S. ZENOBIUS EP. 25. Maii.

ZENOBII pueritiam, vivam honestatis imaginem dicas, in quâ neque Dei oculus quidquam reprehenderet: nullus ei unquam cachinus, nullum verbum insolens excidit; neque eam venustatem insequens ætas violavit, quin corroboravit verius, ut priscæ etiam sanctitatis Antistites Damasus, Ambrosius, Paulinusque ZENOBIVM suspicerent. Mirandorum ejus operum hoc iuventus specimen habeat. Florentiæ, quæ ZENOBII patria, & Pontificalis sedes fuit, fratres gemini è flore nobilitatis parentum indulgentiâ corrupti in proterviam, occalluerant ad sera matris imperii, non atrocia tantum dicta, sed calces etiam ingere bene monenti ausi; quâ impietate exasperata ultra maternum morem mulier, dirâ imprecationes furias in filiorum caput incitavit. Valuere vota: generes illi exemplò infernis obsideri larvis, & impias manus à matre in se se vertere, laniare ora mordicus, & canino invicem duello grassari. Factas spectaculi parentis iram misericordiâ mutavit, lamentantis tantum precibus fuisse pondus nulla erat nisi in ZENOBII pietate spes, qui horas

duas

25. Maii. VITÆ SANCTORVM. 265

duas affusus Crucis, furentes absolvit. Idem beneficium an. CD. XXIV. cælo receptus in ægrum repetivit, sed eo longè digniorem. Mater nocturnis ejus obsaturata querelis, potum identidem flagitanti, dæmonem simili voto propinavit, sed ZENOBIVS pepulit; utinam & foedum morem vocantium tam immanes hospites, quasi non invocati in nos irruerent. Ex Surio.

Solerter animus ante actionis sue primordia cuncta debet adversa meditari, ut semper hac cogitans semper contra hac thorace patientiæ munitus, & quidquid acciderit, superet, & quidquid non accesserit, lucrum paret. S. Greg. 5. Mor. c. 33.

S. MUTIUS C. 25. Maii.

A Gite mortales, & vel latronem ducem ad cælum sequimini. MVTIVS hic est, qui in apparatu compilandi sacri Parthenonis somno oppressus, rapi ad divinum tribunal sibi visus, supplicia suis facinoribus parata intellexit, nisi celeri pœnitentia ipse sibi jus dixisset. MVTIVS rectâ ad sacratos profectus viros, animæ vulnerum medicinam eos poposcit. Tres primum ex odis Davidicis strophæ ei præscriptæ; quam ad amissim cum vitam exigeret, Superi postea ejus erudiendi provinciam sibi depoposcerunt. In eorum contubernio expolitus, scholam denique aperuit ex latrone magister factus virtutis. Eum sol reveritus est, inaudito post Josue factum exemplo, ita cursum moderans, ut non antè occumberet, quam ille tugurio discipuli successisset; quem præter spem defunctum cum invenisset, rogavit familiariter, an redire in vitam vellet. Abnuentem valere jussit, & tumultuoso composuit; quod ille officium tam studiosè

M

suis